

Deficultà	Lunghëza te km	Dureda te h	Deslivel
Scialdi saurì	0,6Km	00:15	+ 20m - 18m

Eingezeichnete Tour

## Descrizion dla jita

### A ce fusties ti jons'a do ntan chësta jita?

La storia dl nridlamënt de Urtijëi va de reviers giut dan l ann 1000 do Gejù Crist, ma na dinamica particularmënter da vivanda se porta pro dal 19ejim secul inant – do la costruzion dl stradon de Gherdëina. Ntlëuta fovel mo l'ert dl ziplé y la industria dla chiena che, pervia de si suzes mundiel, ti à dat na gran sburdla al prugres dl paes mudan defin si cialé ora: cun la dlëja nueva y la costruzion dla scola, de berstotes y villes de artisç y mprenditëures. Na segunda sburdla dl svilup porta l alpinism, l sport da d'inviern y l turism, che ne muda nia mé nchin a ncuei dassënn l luech, ma nce si ambient soziel y culturel.

### Ce nes aspieta pa?

La raida tres l paes ala crissa dla fusties dla storia de Urtijëi ie n 600 metri longia. La ie dut ntëur zënza rëms architetonics y perchël da fé zënza problems nce per chi che à deficulteies a se muover a pe. L deslivel ie de 12 metri y l tëmpe da jì a pe 20 menuc.

### Ulà nes mëina pa la jita?

Pion via dal monumënt dla ferata de Gherdëina y dala scultura de santa Barbara tla streda Stazion y jon de viers dl zënter via pra l monumënt a Johann Baptist Purger, l costrutëur dl prim stradon te Gherdëina. Da tlo mëina la jita dlongia l ruf de Val d'Anna sa la cësa Bugon, che fova n iede la sënta de na firma de chiena de suzes.










Jan via per l puent de Pana ruvons sun plaza de dlëja cun la dlëja de pluania y la capela di morc. Po jons inant nchin pra la cësa Pana, che ie nluageda tl nujel de nridlamënt medievèl dl luech, passon via la Cësa de cultura, che ie unida frabicheda n ucajion di mundiei de schi dl 1970, y ruvon tl raion da jì a pe dl paes. La plaza dan l hotel Stetteneck ie n auter pont storich dl luech. Tlo fovel n iede l mesc Ortiseit, da chël che l paes à giapà si inuem ladin Urtijëi. Ntëur la plaza dla posta iel dlongia la frabica storica dla scola, nce trëi albierts da na tradizion longia: l Hotel Adler, l Hotel Post-Cavallino Bianco y l Hotel Stetteneck.

Jon de reviers passan pra la cësa da lanon, che ie sota defendura di Bëns culturei, y via per l puent dl

Purger pra chël che l fova n iede l "Packhaus", l magasin de spedizion dl ferleigher Purger, y da iló de reviers al pont da ulache son piei via tla streda Stazion.

### Ogec dla jita

1.  **SANTA BARBARA**  
Patrona di feratieres dla ferata de Gherdëina
2.  **CËSA BUGON**  
Sënta de un di plu vedli ferleigheri de chiena
3.  **MOLETA Y PORTACONDLA**  
Sortimënt de "marcanzia blancia" de marueia
4.  **JUESC CUN PËIS DE PLOM**  
L'ert dl balanz
5.  **DLIEJA DE PLUANIA DE SAN DURICH**  
Aredamënt cun scultures de artisç dl luech
6.  **CAPELA DI MORC**  
N lecort di saudeies morc tla Gran viera
7.  **CËSA PURGER (CËSA DE CULTURA)**  
Dala cësa da ferleigher y de marcanzia ala cësa de cultura

8.  **CIAVAL DE LÈN DE GHERDÈINA SUN NA BREA DA RODES**  
L juech che i mutons ova plu gën
9.  **GINAST SUN STANGIA Y CRAMAIC**  
Juesc che se lascia muover
10.  **CÈSA PANA**  
La cèsa dl costrutëur dla streda de Gherdëina
11.  **SCOLA ELEMENTERA Y PRUFESCIUNELA DE URTIJËI DA N IEDE**  
Frabicheda tl tēmp dla Monarchia asburgica
12.  **USTARIA DA MAURIZ (NCUEI HOTEL ADLER)**  
Ustaria, grand hotel, Spa Resort: la cèsa dala storia plu longia cun n svilup ejempler
13.  **HOTEL AM STETTENECK**  
Becaria, ufize dla posta, dependance, hotel: na cèsa cun na storia muvimenteda
14.  **USTARIA DA DÈUR (NCUEI HOTEL "CAVALLINO BIANCO")**  
400 ani de storia: un di plu vedli albierts de Gherdëina
15.  **MAGASIN DE SPEDIZION (TUBLÀ) DL PURGER**  
Magasin de spedizion de chiena y ert sacra
16.  **MONUMÈNT A JOHANN BAPTIST PURGER**  
Lecort al costrutëur dla streda de Gherdëina dl 1856

